

ادبیات عمومی و تاریخی

هفته‌لق سیاسی ، ادبی ، علمی غزته در

جلد : ۳

سنه : ۲ ۱۰ جاذی الاخر ۱۳۳۶ جمعه ایرتسی ۲۳ مارت ۱۹۱۸ نومرو ۲۹ — ۶۰

تورکک مثنائه وائر

اسکی تورککرایله قدیم یونانیلرک عرقاً یکدیگریله مقایسه‌سی

اسکی تورککرایله قدیم یونانیلر بیننده اول اسرده برمناسبت عرقیه عمومیه واردرکه اوده آنلرک ایکینسک دخی عرق ایضه منسوب اوله لیدر . فقط بزم بیلک ایسته‌دیکمز مناسبت بو اولمایوب مناسبت عرقیه خصوصیه در .

بز ، تورککرایونانیلره (روم) نامنی ویریرزکه بو بویوک بر خطادر . (روم) و (رومی) اساساً (رومالی) وروما ایمپراطورلغی اهایسی دیمکدر . (روجه) دخی اساساً (لاتیجه) دیمکدر . فقط صوکره‌لری شرقی روما ایمپراطورلغی اهایسی نسان یونانی‌نی تکلم ایتکه باشلامش اولدقلرندن ، (روم) کله‌سی غلط اوله‌رق (یونان) کله‌سی مقامنده قوللانغنه باشلامشدر . آناتولیده تأسس ایتش اولان بعض تورک حکومتلرایله دولت عثمانیه مذکور ایمپراطورلغک ممالکنه قسماً ویا کاملاً مالک اولدقلری ایچون بودولتله علم اوله‌رق عربلرایله عجملر (رومی) تعبیخی استعمال ایدرلر . بناءً علیه (روم) و (رومی) تعبیخلری محذوردن سالم دکدرلر .

(یونان) تعبیخی اسکی بر یونان قبیله‌سی اسمندن مأخوذ اوله‌رق اساساً قوم اسمی و (یونانی) کله‌سی دخی برصفت ویا (یونان لسانی) مقامنده استعمال اولمقده ایسه‌ده بز اکثریا (یونان) قومنی افاده ایتک ایچون (یونانی) و (یونانی) شکاریخی دخی استعمال ایده‌رز .

فرانسزلر یونانیلره (غره‌ق) و آلمانلر (غریه‌ش) تسمیه ایدرلرکه بوتعبیر لاتینجه (غره‌کوس) دن مأخوذدر . بولکه رومالیلرک ایلک اوچکه (ایلیریا) ده طانیدقلری برقبیله اسمندن مأخوذدر .

یونانیلرک تقریباً میلاددن اون درت‌عصر اول کندیلرینه ویردقلری نام ملی (نه‌لن) و یونانستانه ویردقلری اسم (نه‌لاد) در . فقط تاریخ مذکوردن اول یونانستانده بر اجتماع ملی یعنی بر ملت متأسس اولمایوب بلکه متعدد و مخلف قوملر و قبیلهلر موجود ای .

یونان ملتک یعنی نه‌لنلکک تشکیلدن اول یونانستانده بولشمش اولان اقوامه طائد معلومات تاریخیه بزه عرق یونانی‌نی بیلدیره‌جکندن ، معلومات مذکوره بوجه زیر درج اولونور .

ارثی بر جوق قبایحك تأثیر به مغزل اولان اسافل ناس ، حسیات ردیئه سنده سربست بر جریان ویره بیله جك بر آزادی به مظهر اولدینی وقت ، بویه شنیعه لر ارتکاب ایدر .
طبعاً وحشی وحشیاته تابع اولان بوکروهك قارشوسنه تهدیدینی ایقاعه قادر بر قوت چیقویر نیجه ایش دکیشیور واونی تحت حاکمیته آلمق ممکن اولیور . بو زمیرهك تذلل قابلیتی ، عنف وحشی درجه سنده یوکسکدر . [قالیکولا] [نهرون] [مارا] ، [روبه سی ر] ، [بولانزه] کی صنادید حاکمیتك جمله سنی آلفیشلایان بوکروهدر .

ایشیله ، کوچیله مشغول و یوقاروده موضوع بحث اولان صنف خلفه کلنجه : اختلال نظریاتجیلری بونی پك آز طانیرلر ، و ، عنعنوی و محافظه کار تمایلاتی نظر دفته آلهرق اوکا اعتماد ایتزلر بر طبقه اجتماعیه ، قورقودن مشوقلرك القاءاتنه مطبع و قولایاتله قابل تحریك ایهدهه تأثیرات ارثیه سنه تبعاً اختلاللردن چابوق اوصامغه میالدر ، و ، تذبذب حدودی آشار آشاز ، روح عنعنویسنك الجا آتی نتیجه سی اولق اوزره او اغتشاش و اختلال عوامانه قارشو دشمن کیسه رك ، تأسیس انتظام ایده جك بر حاکم آرامغه باشلار ؛ بو صنف خلقك سیاسی غایه سی بالطبع یوکسك و متکامل اولدیغندن تمخیل ایتدیکی طرز اداره دیکتاتورلغه پك قریبدر .

ایشته بونك ایچوندركه یونان قدیم جمهوریتاری دورندن بوکونه قدر ، تذبذبلردن صوکره تأسیس ایدن حکومتلر بوشکلی آملشردر .

کرمی احمد مانی

عثمانیلرک اوروپاده کی مستملکاتی

— مابعد —

بولغارستان

سیاسی دکل ، طبیعی جغرافیا نقطه نظرندن اسکیدن بولغارستان دنیلن طونه حوضه سنك نهر مذکوره دوکولن آياقلىرى وجه آنى اوزره در : ۱ — « تیموق » قوجه بالقانندن ، ایکی منبعدن کلیر . ودیندن نیشه کیدن یول بونك اوزرندن کچدیکنندن بیوک بر اهمیت واردی . قدیم صربستان ایله بولغارستانك حد قاطعی عد ایدیلردی . تیموقك آياقلىرى محاربات تدافیه به غایت قابلیتلی بر مملکتدن کچر . بونلرك اوزرندن و دین نیکبولی یولی مرور ایدر . ۲ — « اسکر » = قدیم نهزوس « بالفانلرك اورتیه یایلاسنندن چیقار . صاقوفی اروا ایدر . جوارده کی قیز دربندی طریقیه آرناؤدلقدن ادرنه به کچیلیر . بونهر « صوفیه » [قدیم = اولیا ساردیقا] نك پك جوارندن طولاشیر . بوقصبه نك اهمیت عسکریه سی پك بیوک ایدیهدهه وقتیه احکامنه همت ایدله مشدی . بولغار امارتنك تشکیلنده پای تحت اتحاد اولنسی بومدطایی تأیید ایدر . صوفیه ترایان (قدیم) دربندینه ، یعنی استانبولدن

آوستریا به کیدن یوله حاکمدر. ۳ — «ویق»، «اوسا» الی آخره بیوجک چایلردر. «لوفجه» ده «اوسا» چایی اوزرندن نیکبولیدن غبروویه کیدن یول کچر. ۴ — «یانترا» سیلردن مرکبدر. بونلرک باشلیجه سی غبرووه دن آقار. ادرنه دن روسجفه منتهی یول غبرووه اوزرندن کچر. بوسیل طرفه دن ده کچرک زشتوی ده طونه به دوکولور. ۵ — «لوم» ایکی دره دن مرکبدر. بری روسجقه منتهی اولور. شرقده کی لوم روسجق — شمنی یولی اوزرنده در. «رازغراد» قلعه سی اوجوارده بر وادی منبتک اورتیه سنده در. ۶ — «تابان» ۱۷۷۴ معامده سیله مشهور «کوچک قینارجی» دن کچر. بو قسمک جبالی جالب نظر در. قوجه بالقانک اصل بالقان کومه سندن آیرلاینی بردن اعتباراً سلسله جنوب شرقیه متوجه اولور. ترایان دربندینه قدر اولان قسم وسطی بالقان [قدیم اوره لوس] تلقی اولمشدر. بو یایلانک کچیدی یوق کیدر. کوستندل — صاقوف — مریچ اوزرنده بانیایولی وسطی بالقانک اساسلی طریقیدر. بانیای مری ۶۵۰ مترو یوکسککنده در. نیش — ادرنه طریق ده وسطی بالقانی بویلار. بویول ایله طاع وقلعه لردن کچله رک استانبوله واریله بیلر. بومراساسی — یوقاریده سویلدیگیز وجه اوزره — بلغراددن باشلار، سمندریه دن، موراوا حوضه سنک جانب یسارندن، یاغودینادن، نیشاوا اوومسندن نیشه کلیر. اورادن «سوا» طاغنک اتکرنندن، نیش ایله دراغومان آره سنده اوچ دربنددن «اسکر» یایلاسنندن بالورور صوفیه به واصل اولور. صوفیه دن اختیانه قدر اولان یایلا اوت اعتباریه غایت برکتیدر. بعده یول جتینلشیر. «قیولی دربند» — قدر کیدر. [ترایان قیوسی بوراسیدر] بالقان معبرلرینک اک قولایی بودر. وقتیه بویولک مبنی بواندینی بردن برروما جاده سی مرور ایدردی. قیولی دربنددن صکره «شرقی بالقان» توسیم اولنان سلسله بدأ ایدر. «قدیم هه،وس» اصل بالقان بودر. دیکرلرینه ویریلان بونام، مستعارددر. (سقاردو) ترکیه سی «امینه طاغی» به منتهی سلاسلک جغرافیاچه اسامیسی تصریح ایتشدک. بو بالقان ده ایکی قسمه آیریلار، ۱ — یوقاری بالقان — که قیولی دربند — دن تیمور قیویه کیدر؛ ۲ — بیوک بالقان — شوصوک نقطه دن قره دکزده «امینه برونی» نه منتهی اولور. شرقی بالقان شواهی پک یوکسک دکلدی، بالقانلر سلطنت قدیمه عثمانیه پک اک صعب المرور طاغلی ایدی. مدحت پاشا زمانه کلنجه به قدر قدیم یول انقاضندن بشقه طرقة مالک دکلدی. بوناقص طریقک اهمیتیلری ۱ — غبرووه دن «یانترا» اوزرندن طونجه ساحلنده کاش قزانلغه کیدن یول. بویول نیکبولی وروسجق دن حرکت ایدن یوللاری توحید ایدردی. بالقانلرک پیشکاهنده طرفه ی قلعه سی بومری مداقعه ایدردی. فله طریقله بورادن استانبول — ویانه جاده سنه واریلیردی. ۲ — روسجق دن باشلایوب قره لومی تعقیباً تیمور قیوی کچن واسلییه وادرنه به منتهی اولان یول.

تیمور قیو دربندندن اعتباراً بالقانلر اینهر، چوکر و اوچ قسمه آیریلهرق سونه ر، کیدر. اقسام ثلاثه: ۱ — ینارطاغ (روسجق، سلسره، شمنی یولی زرند)؛ ۲ — بیوک بالقان (امینه برونده منتهی اولور) «پراوادی» و «قامچیق» اووه لری بونک تفرعاتنددر. «نادر دربندی» سلسله ده در. پراوادی دن کلن و شمنی نک شرقندن دونن یول ده بوقسمده در. ۱۸۲۹ ده روسلر طرفندن کچلمشدی. بوندن بشقه حوالی مذکورده ده عادی بر یول ده واردرکه شمنی غریبه براقیر. اسکی جمعه، عثمان بازاری، ینارطاغی، قزان دن مرور ایدرو واسلییه وقرین آباده واریر. بوندن بشقه برده شمنیدن آیدوس وقرین آباده کیدن دو برون دربندی طریق واردر. ۳ — «سترانجه» تپه لیدرکه قرین آباددن

اسلمیه به کیدن یول اوزرنده در. بوسلسله قره‌دکز بوغازنده منقرض اولور. غربی یماجلری یواشجه سرج مائله‌سنه، شرق یماجلری قره‌دکزه دوکولور. شمنی ایله استانبول آره‌سنده اقصرطرق اولان آیدوس - قرق کلیسا یولی استرانجه اوزرندن کچر. ینار طاغی، بیوک بالقان و استرانجه تپه‌لری، متعدد اووه‌لری ایله استانبولی محافظه ایچون اوچ قاتلی برحائل ایسه‌ده ذروه‌لر یوکسک اولدیغندن یوللرده پک دوز اولدیغندن پای تحت عثمانی اوزرینه متوجه اولان اردولره ممر اولمیشدر. بوکابناء درکه اورالرده صنعی استحکامات یاپلمیشدر. بو مواقع عسکریه آتیده کی دره وچایلر اوزرنده کائندر.

۱ - ینارطاغندن چیقان «پراوادی» دره‌سی. «پراوادی» شمنی ایله وارنه آره‌سنده، دوبریجه یولی و دوبرول دربندی اوزرنده کائش برشهردر. ۱۸۲۸ ده روسلر طرفندن ضبط ایدلمشدی. آندن صکره تحکیم ایدلدی. پراوادی دره‌سی وارنده دکزه دوکولور. وارنه مهم برلمان اولوب بالقانی یویلامق ایسته‌ین براردو ایچون ضبطی ضروریدر. ۱۸۲۹ ده اثر اهانت اوله‌رق روسلرک آله دوشمشدی. ۲ - «قامچیق» دره‌سی اوچ چایدن مرکبدر. سرورلری غایت کوچدر. شمال چانی ینار طاغندن کلیر. بوچای ویا سیل ایله ایاقلری، دروننده شمنی بولنان یایلائی محتویدر. شمنی آوروپانک اک مهم مواقع عسکریه و حربیه‌سندندر. «روسجق - سلسره - شمنی» مثک مدھش عسکریسنگ باشی بوشهردر. شمنی بکرش - یعنی روسیه‌دن استانبوله کیدن - طریق اوزرنده در. بوراسی بالقانلرک مفتاحیدر. روسلره قارشی اولان حربده ترکار بورادن استفاده ایتمشلردر. شمنی برنوع یالچین و دیک برون اوزرنده کائندر. بوتک ایچوندرکه آبلوقه‌سی و طوپه طوتلی مان غیرقابلدر. روسلر بوراسی ۱۸۱۲، ۱۸۲۸ ده بیهوده محاصره ایتدیلر و جوارنده اوچ دفعه ترکلره غوغایه طوتشمشلردر. قامچیق چایلرینک اورتانجه‌سی ینارطاغنی ایله کوچک بالقان آره‌سندن کچر. «اسکی استانبول» قصبه‌جکی بوچایک اوزرنده، شمنی - دوبرول دربندی اوزرنده، کائندر. جنوبی قامچیق تیمور قپودن کلیر. بو اوچ سیل برنهر واحد تشکیل ایدر. بالاخره افاده اولندیغنی اوزره اهمیت عسکریه‌سی بیوکدر.

۳ - بیوک بالقانن چیقوب آیدوسدن کچن چایلری ده تعداد ایده‌یلیر، نادر دربند ۱۷۲۹ ده تخریب ایدلش کوچوک برشهرایدی. بودرملر بورغاز کورفرزنده دکزه دوکولور. بوخارستان اطلاق اولنان بومملکتلر شمالی ستلرندن کلان روز کارلره معروضدر.

وندیک کورفزی مستملکات عثمانیه‌سی

بالقان نیم جزیره‌سنگ جانب غربیسی وندیک کورفزی ساحلنده کائش «آدریاتیق» دکزی ایالات عثمانیه ایله مشغولدر. بونلرده هرسک، قره‌طاغ و آرنائودلقدن عبارتدر. بوساحل خیلی دوزدر. جیال و مواقع مرتفعه دکزه موازیدر. آنوغرافیا باینده آرنائودلردن بحث ایدرکن آرنائودانی جغرافیا اعتباریله تعریف ایتدیکمزدن بوراده یالکز «هرسک» و «قره‌طاغ» موضوع بحث اوله‌جقدر. [۱]

(مابعدی وار)

مهرل نوری